



数据加载失败，请稍后重试！



数据加载失败，请稍后重试！



数据加载失败，请稍后重试！



数据加载失败，请稍后重试！

雞澤縣志卷之十五

蕭山王錦林粵巖增輯

靜海牛思永

校訂

封贈

國家推恩錫類體臣工顯親之意皆得以本秩封贈其親蓋古者賞進於世之遺規甚盛典也然自明以前缺有間焉舊志附八選舉褻視綸綍體例不符因重加纂輯自為一門庶顯揚前烈昭示優渥想見恩綸之重云志封贈

元

趙思元

以子瑄贈從仕郎雜澤縣尹妻段氏贈孺人

明

趙士舉

以子昂贈南京刑部員外郎妻田氏柳氏贈宜人

劉茅

以子誠贈翰林院檢討加贈秀府左長史妻秦氏封孺人加封宜人

崔真

以子仁封順天府宛平縣縣丞妻王氏贈孺人

郭寬

以子鐘贈和陽衛經歷妻趙氏贈孺人

劉雷

以子賜封山西道監察御史妻李氏封孺人

賈德珍

以子名儒贈鴻臚寺石寺丞累贈本寺正卿妻姚氏封宜人加封孺人

田 悌

以子應弼應揚累贈雲南道監察御史萊州府同知妻李氏累贈孺人

陳 厚

以子常道贈國子監典簿

康 守愚

以子應乾累贈鎮江府知府山東按察司副使妻陳氏累贈恭人

王 國棟

以子世熙世爵累贈考城縣知縣大府通判妻氏贈孺人

王 煒

以子福蛟慶月累贈雲南道監察御史熙府長史妻董氏累贈孺人

賈 棲鳳

以子熙載累贈寶慶府通判廬州府同知妻趙氏累贈安人

賈 棲鳳

以子西椅累贈行人司行人戶部山時司郎中妻王氏贈安人

張 尚明

以子時過贈右衛經歷妻李氏贈孺人

趙 琨

以子永安贈博興縣知縣妻李氏贈孺人

殷輔

以子大自貶贈國子監助教

王國禎

以子瀚贈光祿寺署王妻齊氏封安人

賈大明

以子諤贈光祿寺署丞妻楊氏贈孀人

胡永明

以子化鯤贈懷仁縣知縣妻張氏贈孀人

本朝

丁鳳鳴

以子贊育贈石泉縣知縣

王師儉

以子夢熊贈江南掌印都司

齊璋

以子祖望贈巴東縣知縣累贈華昌府知府妻王氏封孀人累封恭人

胡泰來

以子俊贈崇陽縣知縣妻康氏贈孀人妻氏封孀人

戚苑
附

明

英

登

以女定妃肯授
錦衣衛千戶

閏

明

以女肯欽
賜冠帶

于

昇

以女肯欽
賜冠帶

侯志道

以女肯欽
賜冠帶

雞澤縣志卷之十六

蕭山王錦林粵巖增輯

靜海牛思永 校訂

人物

吳季子過衛與蘧史革交曰衛多君子雞古衛邑後

隸廣平將母直道風流一變而為悲歌慷慨歎然山

周迄今君子代出或名顯國家或行修庭室尚論之

下竊嘉雞之夫非以其德業文章不愧先民有以動

斯愛斯傳於勿替耶固知今不異於古所云未可與

燕趙之士同類而並觀也志人物

名賢

戰國

毛 遂嘗自薦於平原君至楚庭說楚王定約而還平原

君禮為上客詳藝文

漢

毛 萇遂之後治詩為河間獻王博士授同國貫長卿六

經遭秦火後迄今三百篇之義炳如日星者萇之力也

於是世傳毛詩之學從祀文廟

唐

毛

藻字行斌遂之後曾祖買祖寧父卿皆仕齊隋間性
踈放不拘名檢隋末歸唐授上儀同尋陞熊州司法叅
軍冀氏縣令克王世充滅竇建德屢有功授朝散大夫
降驍騎尉致政歸咸亨四年卒有墓銘

韓固文字南金曾祖起祖韶仕齊隋間父士行唐明經儒
林郎固文釋褐任芮城縣尉考滿調鹽山遷望都主簿
學有淵源屏絕浮華服官清慎自矢所在以治稱儀鳳
二年卒葬城西之先塋詳墓誌

明

趙 嘉忠厚慈直邃於理學以歲貢任戶部司務累遷南
京刑部員外郎操履清介有屬吏餽金三百立却不受
人以閩西夫子稱之致政歸行李蕭然家居究心經學
著有詩經會意等書行世 祀鄉賢

郭 恕字安仁弱冠領鄉薦歷思南潮州推官以平允稱
擢御史屢有建白英宗賜錦衣以旌其直轉山西參議
守雲中雁門積糧撫士要地賴以無虞而宦遊不挈妻
孥先在思南止一僕又以不檢遣回萬里之外一身遠

宋元嘗少勤念焉歸老材下檢樸如寒士祀鄉賢

劉誠字敬之東平訓導芳之子天順丁丑進士授翰林

院檢討改秀府長史以禮輔道甚見敬重嘗著周易衍
辭及皇極經世洪範補註等書累官湖廣參議卒於任
囊無寸帛幾不能斂居家尤以孝友聞祀鄉賢

郭潤字瞻孔恕曾孫性仁厚讀書善解悟由鄉薦令沁

源教民為善不忍用刑不得已應責者往往流涕沁人
呼為郭佛甫數月以疾辭官歸寒素攻苦無異諸生時
每出遊乘一犢車有心得處歸即著之簡編郡守聘掌

漳川書院諸士無不服從所著有四書一得春秋宗傳等書

陳厚字體坤簡默渾樸舉動森然以選貢任壺關訓導轉延慶代府教授克端師範迪士有方倦遊歸老讀書賦詩著元齋社吟集子大道資性醇篤博覽羣書士林雄之

杜璋字廷器舉鄉薦授鄒縣尹時流賊圍鄒督兵拒敵力竭無援城陷子崇熙遇害公冠帶危坐賊逼之碎其襟袖卒不屈欲加刃有縣丞某求以身代賊義而釋

之改知潞城射洪二縣俱著政績後以終養乞歸

劉

錫字德純號鈍菴父名雷剛直慷慨樸實慈仁好飲

酒讀書生公個儻磊落弱冠登進士授庶吉士尋改御

史清戎江左巡按山東墨吏望風解綬以忤太宰出守

紹興力革越俗溺女諸弊會倭寇海上公大有停馘世

宗賜金獎諭既而趙文華出視師公不肯屈禮竟以此

得遣解官著有鈍菴文集行世

康守愚字哲夫孝友篤摯流覽羣書嘗感邑無志特為編
輯備外史以教奇累困場屋授南宮訓導端範潔已期

以字化一時科第為盛遷趙府長史方嚴自持殫心匡
救有長沙江都兩太傅風焉

田應弼字以道由鄉薦授陝西安定令時值蒙古圍城應
弼死守七晝夜乃解丁艱補新泰擢御史按雲南轉四
川僉事調雲南討平寇亂欽賚金帛遷陝西行太僕寺
少卿致仕紳士服其高致云

田應揚弼之弟以鄉薦令廣昌民多尚武不知耕織公具
教之擢忻州牧俗健訟而逋糧勸諭久之訟漸息國課
亦早完再遷萊州同知進襄府長史輔導稱職三年加

四品服俸致仕與兄媿美焉

趙渭字清之號濯川少有志節為文不務時尚由歲貢
司訓樂平陞會寧教諭會邑科第九闕渭勤督課文教
振興累科多獲雋者擢保藩教授不肯折節王府掛冠
歸伏臘歲時與舊好歡然嘯詠雖洛中耆英弗是過也
舉鄉飲大賓

郭都字舜俞號西田恕六世孫誠實寡言笑好讀書寒
暑不輟事祖母以孝聞田園悉讓弟以明經初訓滄州
調確山兩攝縣篆有惠政民歌之曰免催科禁訟獄不

會火耗不貪贖從來借寇罕其儔清比冰兮潔比玉遷
延雲諭教諸生無異子弟告休歸士民遮道泣送家居
二十年自奉甚薄族黨不能婚葬者勉力助之有里人
行竊被獲多方勸誠予數金令貿易自給其人遂改於
善年八十九猶手不釋卷著有西田文集等書行世

趙永安字泰字萬之後器度宏達喜怒不形治春秋有慧
解精研理學不欲徒工舉業由選貢知博興縣值歲荒
申請賑濟捐俸給錢施粥全活數萬貧不能斂者施棺
冬施綿衣歲以為常邑居新城下流輒受

城

多權執人無敢抗公奮然率民夫築堤捍之新城人大
譟不為動卒以竣工陞衛輝通判尋遷潞府長史先是
王驕恣嗜教近侍朝夕不自保遂謀逆王暴薨中外頗
有異議公白王妃按其事近侍懼賂萬金營解不許旋
中以他罪免官事遂寢夫毅然以討賊為己任不為威
惕不為利疚凜凜大節可謂無愧春秋之義然終以無
濟君子惜之卒年七十有八

曾熙載字亮所教授樓鳳子由鄉薦初知白水以抗禮忤
官者遷夏縣清節自持嘗銘座右云誓為黎庶驅鱷虎

忽與兒孫作馬牛尋擢懷慶通判復除寶慶考最陞廬
州同知加運同服俸引年歸里課子弟讀書橋梁義塚
之施行人枯骨多沐其惠著有勸民格言及闡揚聖諭
六款祀鄉賢

賈熙績字懋所熙載從弟性方正樸實登萬厯甲辰進士
授行人陞戶部主事厯員外郎擢鎮江知府刑清政簡
人服其廉恕致政歸日以讀書為事結社北郊外里人
某貧困夜縊於帝君廟公為解救予數金以活之微時
親識賴以資給者甚衆

王夢蛟字雲龍丰標玉立瞻視偉然丁未進士宰鹿邑前
令以貪橫敗公加意撫恤滌去煩苛一時政望冠兩河
復除嵩縣循聲彌著奏最擢御史屢有建白巡按蘇松
常鎮閩罪囚可矜疑者力為釋人擬之于公焉改南京
畿道卒於官

康應乾字一之號念東歲貢守愚子萬曆甲辰進士初知
陳州俗好訟不務農公善懲之民向化皆知力田更加
意浚河上當事者八議迄今著為法程勤課士文風丕
變以考最陞南比部郎晉京口太守郡帑貯海防銀十

餘萬吏胥訊以借友名可取正色拒之尋擢山東副使

備兵遼東海蓋道海蓋居水陸要衝公專司餉務身督

車牛道屬囂巖妖民吳金祖聚衆僭號公立縛渠魁餘

黨解散會遼陽陷沒無兵可守公奉勅印海歸朝具

疏自劾時經畧態廷弼奏其有輓運平賊上憐之置

不問後以言者糾摘下吏議安置數年始白其寃歸里

公劉鈍廢婚也才高過番後先彷彿云著有澹齋遺稿

齊宗閔字子孝十七為郡吏守法奉公諳練時務力贊郡

守定條鞭法歷任蒲臺典史濮州吏目沁水濟陽主簿

俱有能名轉趙藩典儀正致仕歸以桑梓利害為己任
念優免折地有累編氓著望治錄期上當事邑士大譟
遂不果洺西十三村苦沙水驟至無所洩宗閔度地開
渠一方賴之年八十有八卒康公應乾為立傳

郝勉學字近溪性剛樸孝弟誦讀無少間生平方嚴自持
雖燕處如對賓客以歲貢授河南新鄭訓導親肄諸生
講學勤課儒行多士化之比諸伊川文定云

苑尚質字樸庵丰采偉岸迴絕時流事親最孝父所遺產
悉讓諸兄以明經歷亳州禹州訓導陞趙藩教授所至

以身範多士曾無膏梁藜藿之別焉

殷大白字白溪號大陸博學能文嚴毅不輕笑語以鄉薦授先山教諭陞國子監助教累官南京兵部郎出守敘州權豪斂迹尋遷閩南道副使鎮興安州時巨寇環踞窺測近境公用間使自相殘殺又追勦大有虜獲會閩部楊嗣昌視師無功懼誅誣劾以自解繫獄坐罪死論者以國事日益壞得公輩數人布置中外可復望治平乃為權奸所搆臨海內寬之

趙有功字敏卿號禹坪五六歲時即日記誦可數百言從

授光山教諭陞國子監助教累官南京兵部郎出守叙
州權豪斂迹尋遷閩南道副使鎮興安州時巨寇環踞
窺測近境公用間使自相殘殺又追勦大有酋獲會閩
部楊嗣昌視師無功懼誅誣劾以自解繫獄坐罪死論
者以國事日益壞得公輩數人布置中外可復望治平
乃為權奸所構陷海內寃之

趙渭字清之號濯川少有志節為文不務時尚由歲貢
司訓樂平陞會寧教諭會邑科第久闕渭勤督課文教
振興累科多獲雋者擢保藩教授不肯折節王府掛冠

歸伏臘歲時與舊好歡然嘯詠雖洛中耆英弗是過也
舉鄉飲大賓

賀九成字儀庭性仁慈嫻睦樂施予為人排難解紛一鄉
賴之無訟事嘗過邢家堤見商船沉溺出重貲援救得
活教子讀書破產以延名師仲子瑞徵舉鄉薦若長若
季皆遊庠九城由太學任汝州吏目汝固膏腴地致仕
歸時囊橐蕭然州道重其廉慎攀留弗能得士民出涕
遮道送之一時服其高致云

趙應斗字星野性誠篤內行醇備以恩例選入太學居平

孝奉父母服喪哀毀骨立歸葬廬墓三年授浮山縣公
廉勤慎會三冬無雪步禱南郊三日雪深數尺夏旱為
文自青拜烈日下須臾雨集浮人戴之如慈母不能忘
後為立祠祀焉其家世儒父黜弟應星俱知名士子既
舉鄉薦次劾諸生次勦亦以恩例選入太學孫曾輩俱
遊庠恂恂雅飭不愧禮教遺風

本朝

殷 岳號宗山大白子崇禎舉人大白坐法死獄中岳與
弟淵共上疏乞父骸骨比歸而京師已陷遂入西山謀

舉義事洩淵被害岳匿友家得免順治初吏部按籍推選得睢寧令以方嚴稱豪滑無敢犯邑有大俠岳廉得咎之幾死下獄將置於法請託交至卒不能奪未幾上官提去釋之岳怒曰恨不斃杖下乃為所賣適得友招隱書慨然曰吾豈以一官易我友哉遂投劾還里與友晨夕唱和相樂也詩自魏晉下屏不觀尤不喜律詩故所作惟五言古風莽莽然肖其為人晚年好遊山水間題咏自遣性亢直不能容物惟與同邑申涵光張蓋友善所謂平千三君者有留耕堂詩稿行世

康爾祚字眉之應乾子丁卯舉人性活淡喜讀書尤長於
詩賦設塾南郊士有孤寒來學者咸給以筆墨資國
朝授沅江令時沅為賊據守年餘始抵任百姓逃匿城
社為墟王師渡江移檄常德府三縣供餉郡守恐期
促難辦迫令沅江協濟爾祚曰湯火餘民安忍復加敲
扑吾當捐軀救此一方百姓乃奮袂投江沅民共救得
活解組歸從學者益衆年八十三耳目聰明手不釋卷
屢飲大賓

苑育蕃字百子號西柳學問淵博尤工詩為諸生時嘗夜

讀書有婦叩門詭求火拒弗納婦愧而去性純孝家貧
躬漁佃以奉親為舉業不與時輩伍丁酉領鄉薦任寶
坻教諭待士有禮餽贖却不受尋中戊戌會副擢永寧
令甫下車蠲火耗謝苞苴鋤豪強莫敢干以私夏旱作
祈雨詞自責禱立應歲乃登時閩中寇警王師屢駐
洛陽百姓運兵餉於風雪中凍餒相望育蕃請於上官
當在本地採買事不費而民困蘇上官納之闔邑呼為
真父母解組歸蕭然環堵歌聲出金石嘗語其子曰吾
所歎者瓊林一盃酒耳著有深柳堂詩稿卒祀河南名

宦子立元邑庠生曾為百韻詩恭頌

萬壽賞賚甚渥亦異數也

齊祖望字望子號勉菴博學工詩庚戌進士初知己東縣

時賊渠王鳳岐據巫山李春儒據施州祖望移檄彝陵

總兵由建始取施州復以叅謀授遊擊許嘉謀等寇難

悉平以循卓召除督捕主事遷武選司員外擢刑部郎

中提督通惠河務管理太倉上嘗試部曹於瀛臺祖

望以慎簡督撫對拔置第一出守鞏昌臨洮饑設粥俶

全活以萬計尋以事謫歸家居瘠田數畝處之泰然未

幾上憲廉得其狀事白復職已捐館矣所著有讀易辯
疑尚書一得錄及詩序叅朱等書子封字龍門有文行
善古作詩詞為郡廩生賚志未酬卒

胡

俊字升士嗜學工文甲戌進士居家以孝友聞里有

房姓挈婦外出夫歿婦依異姓扶櫬歸不逞者誣以姦

寃莫辨鬻女求白俊與金而還其女山右周某旅困於

雞欲棄室俊厚給之夫婦得相守如初後又兩全鬻妻

者借者或負不能償焚其券出令崇陽修廢舉墜百務

具新崇俗生女即定婚後每以貧富易志且夫歿之婦

與病夫之妻用財入室名曰坐堂招夫或以養子為辭
或以養夫藉口取倫傷化莫此為甚俊俱嚴禁之民知
變於禮義其他治績難更僕數至若代贖應戍貢生感
悟爭產兄弟奪豪強劫去受聘未嫁之女歸其夫尤為
士民頌德攝篆蒲圻賑濟潛江所在多惠政民勒石思
之著有語錄及葩經文稿

忠義

明

陳愈美字景虞啟之子簡默廉介事親最孝謹父所遺產

劉澤縣志卷之六
六十一
悉讓之兄兩舉優行以明經訓獲鹿諸生補廩例以月
餼貽謝愈美却曰持歸與戚屬觀之以為讀書勸戊寅
獲邑臨左右勸之去不從冠帶向北面再拜至大成殿
再拜兵執之不屈積薪焚死從容如平日

康大猷字燦五應乾從子性狷介讀書穎悟令同官邑界
山僻居民不習紡織體無完衣大猷造紡車數輛召老
嫗數人教之不踰年而民諳其事機聲永夜不輟其他
善政載同官志中歸老林泉詩酒自適戊寅之變兵執
之大猷危坐自若形色不變受刃死

趙廷對字步初嘉之後恬淡質樸與人無飾言卜居野外
蕭然環堵中吟咏弗輟非歲科月試不入城市任青州
教授課士循循有法多所修建致仕歸戊寅城破兵至
廷對提劍大呼義氣激烈兵怒以刃威之不少屈與子
德澗同遇害

王廷諫字棘垣修螽偉貌髫年入泮失怙恃家貧授徒以
奉大父九有及繼母孝敬盡禮與鄉人交始終如一戊
寅城陷衣冠拜祖父神主曰願全軀見先人於地下可
使兵刃相加耶遂從容自縊知縣賈益謙表其門曰烈

節可風

賀瑞徵字兆叔童年游洋弱冠即食餼丁卯舉人遵父母

訓一錢不入私囊兄弟式好五世同爨戊寅投井死

齊應選字見華善楷草工詩賦十戰棘闡不遇困庠序中

幾三十年僅以明經應歲薦戊寅不屈於兵墜城死有

詩文若干卷經變散亡

康霖應乾孫爾祚子與弟震俱早歲遊庠戊寅城破見

母遇難兄弟爭救皆死之間者悲之同時又有趙啟璧

王政新俱不屈死巡按韓文銓上其事俱 旌表

殷淵字仲泓號澄之大白次子有文武材少知兵好舞

稍擊劍父嘗給以兵數騎破賊萬餘人賊中驚傳殷公

子神勇不可犯大白被逮淵上書請代跪朝門五日奉

旨詣青淵以逆賊未除父寃未雪遂棄舉子業隱廣陽

山中團鍊其鄉人甲申李賊犯京師淵倡義勤王率兵

二千人至栢鄉聞都城陷乃遠設龍亭哭臨賊衆至被

殺於明倫堂暴屍烈日中十餘日不壞有黃大守之不

去土人以神祀之乾隆十八年知縣王光燮為詳請崇

祀鄉賢又立專祠於學宮之南

德行

元

趙思源字巨川與兄思海弟思淵思泉俱以孝友聞思源

尤仁厚好施建閼帝廟修橋治路助婚賻葬凡利人者

悉勉為之以子瑄貴贈雞澤縣尹

明

王煒字玉菴早歲遊庠從學者甚衆中年失怙以遺產

歸二兄其貧事孀母菽水盡歡教諸子甚嚴以子夢蛟

貴贈如其官祀鄉賢

趙遷喬字鳴喬聰穎謹飭面壁十年未嘗一入城市學業
深邃生平孝友克恭口無失言人稱為當代醇儒

康濟民狄道主簿聞鄉里遭兵燹無意宦途遂告休歸家
居為善自樂教子孫業儒青衿濟濟屢請大宴不赴一
時咸高其節

本朝

殷之紐字伯芽號樊桐甲子副榜七奉部檄推選不赴杜
門謝客教子讀書談理學瘠田數畝分供朝夕晏如也
鄰邑貴翁聞風踵謁辭以老疾堅臥不起貧士就學輒

奚澤泉志 卷之十一 六
欣然與析書義尤諄諄以德行相勗年八十餘葛巾布
服拄方竹杖步田間與老農老圃話桑麻課晴雨人稱
為義皇上人子仔字孟肩負逸才康熙乙卯舉鄉薦之
經猶及見之

齊光繡字表白宗閔孫邑庠生諒直無隱尤慈惠好施族
有孤貧不能婚葬者量周之會明末歲饑棄尸遍野光
繡惻然募人瘞一尸給斗粟有里人餓幾死售宅於繡
願得穀若干石與以穀不取其券後年豐產貴別售他
姓或諷焉曰是吾初心也置勿問子瑄璋琰俱為諸生

孫祖望登進士第年八十餘猶日披卷訓諸孫精神不
減少壯

劉復新兄弟五人四弟俱早亡遺子女二十人新待之厚

於已出諸弟媳感其義同爨焉家門雍穆有公藝遺風

許聰子若愚邑庠生少失父母弟睿甫十歲聰教之無

倦凡亡遺子八歲視猶己子撫養成立聰廉以持己和

以接物鄉評無間學院汪煉南表其門曰圭璋德器

齊祖頊字若水號澹菴別號沼濱釣叟邑廩生資性高邁

博極羣書隱於東柳村年八十未嘗一至縣城適有友

居母喪在郭內祖頊曰是不可以不吊邑人聞其至擁
道以觀過此遂不復見好為詩古文工隸篆人爭購之
著有澹菴書鈔及樂道堂文集等書壽八十六而終
欽賜八品頂帶

賀來鳳字鳴岐太學生誠篤好施家素貧勤儉自力鄉人
死無棺者叩必應不能婚嫁者資助之村東馬坦橋為
四達之區向無橋梁往來病涉鳳慨捐五十金橋成行
人便之會歲荒出粟以濟貧窮有負者悉焚其券舉鄉
飲 恩賜八品頂帶子景祚景祺孫萬年俱蜚聲黌序

彭年領丙辰鄉薦

賈法乾字健行歲貢生早喪父事母盡孝母有不悅即長跪自責務得母歡乃起母性嗜棗歿後乾見棗即悲泣不已弟亡撫姪成立遺產以厚者與之年五十無子買一妾詢之知己受聘送之夫家不責償財物未幾生子教之遊庠人稱陰德之報夜有鄰人盜其家乾誡曰汝因賭行竊若能改過吾當隱此與之錢而去其人卒為善從學者對之如坐春風號和菴先生舉鄉飲賓

李明玉天性仁厚好施予有不能婚葬者傾囊以助無德

色嘗修平道路行旅極便暨及窮無歸者贍養之知縣
榘尚崢表其門孫仁以生員入太學授州同知謹厚樂
善克承厥祖乾隆七年知縣李世基旌入彰善坊

陳 坤字配乾邑庠生志行芳潔家貧鍵戶讀書絕奔競
足跡不履公庭造就後學為邑知名士知縣管繼武舉
為介賓給匾旌之

孝友

唐

馮仁海事親居喪有至行為鄉里所稱載唐書孝友傳祀

鄉賢

郭宇素事親以孝與馮仁海齊名載唐書孝友傳事蹟失
考祀鄉賢

明

郝 臣字尚卿邑庠生事親最孝親沒廬墓號哭三年如
一日流賊至其墓所感激禮過卒無所害

王 汲字引之以貢任解州同知天性孝友為諸生時即
陳情當道以雪父冤父母沒廬墓六載有孝感異徵郭
瞻孔贈之以詩

馬學古南雙塔鄉民家貧以薪置母房失火母年八十三不能動履學古冒火突入以被裹母躍出母得活學古火傷三日死

趙濂天性至孝母病癱不能起濂與妻侍養五年無倦一日見母溺器不潔呼家衆痛斥之曰是嫌我母也躬自滌之知縣周文定扁其門曰孝子

王九有性敦厚樸雅父早卒奉母終身無懈怠兄弟五人相愛敬鄉里咸稱孝友云

于起龍字仲飛性至孝家貧嘗遊京師館宦家藉修脯以

供菽水凡宴會有珍果輒秘藏數顆固封寄家啖母有
負米懷橘古風領癸酉鄉薦戊寅死於難

陳奏可字葵之生甫彌月即失怙稍長恨已之未得事父
也徃徃呼天號泣聞者為哀嘆其母柴氏守節每日夕
問視不怠或母有不豫輒嬉戲庭前務得母歡乃止由
吏滿任高密典史廉介自持陞典儀解組

本朝

趙球有功曾孫事親至孝少得痰疾不能應試年四十
八卒妻張氏孝事舅姑克襄婦道守節至八十四終

賈廷輔增廣生七歲喪母奉繼母最孝事兄甚謹父遺產
聽兄擇取問所與而後受之母病且久日侍湯藥滌除
溺器不少倦歿則喪祭盡禮如喪父時姍族不能婚葬
者竭力以助客都門永年馮某暴亡輔為醵金殯殮邯
山裴某困保陽不能歸適輔同寓濟之得還鄉里咸義
之有司上其事得 旨旌表入忠義祠子璉明經璵孫
發五皆遊泮

趙

越字踰生歲貢生孝行純篤幼喪父哀慟欲絕居喪
三年不茹葷每食必薦嘗恨不得終其養母張氏頗知

文苦志課讀越恪遵母訓早歲遊庠資修脯以供其旨

朝夕承歡不就外館子若孫皆諸生年八十一無疾終

賈其仁性至孝孩提時即能承順父母家貧奉養無少懈

母歿父不再娶其仁勸之堅不允乃晨夕侍父側寢則

依牀下二十年如一日父好交遊其仁每伺其意邀所

與俱酒肉以從雖典質弗計也歲時則迓其鄉諸父老

暢飲必盡父歡會邑有以忤父母聞者縣令置之通衢

使其仁責之觀者如堵咸咨嗟勸勉而去後其仁子孫

亦能世其孝友云

雞澤縣志
卷之三
三

康 文邑庠生至性純篤早喪父事母最孝母病侍湯藥
嘗冀能人所難居平步履不苟重然諾撫幼弟成名來
學者樂育之不計修脯闔邑公舉孝廉知縣管絃武為
詳請介賓給扁旌曰月旦優評繼任孔亦給扁表之

賈天興字臨汝邑庠生孝本性成幼喪父哀泣廢飲食母
憂之力勸始從命奉母婉曲承順母好施鄰有貧窶不
能存活者將鬻妻母聞而惻然興即體母意曲為保全
與姪析祖產自取其瘠外父憐其貧贈以膏腴却不受
終其身澹泊自甘焉

梁夢熊邑庠生性至孝家貧竭力以奉井首母久病日侍湯藥無怠志及卒哀慟幾絕居喪三年不茹葷不露齒父性嚴厲夢熊委曲承順寢必與父俱二十年無倦乾隆十二年旌表建孝子坊

文學

明

魏淳字子厚增廣生通音律善楷草後棄舉業專務著述督學羅公以齡德兼優授儒官

賈洲質直剛嚴家貧不屈於人教子姪讀書對里閭來

學者藹若春風多所成就

趙一寧萬七世孫樸茂耿介精研力索至者不倦從學者甚衆一時科第多出其門

本朝

許建都字衡陽貢生任靈壽訓導教士有方各憲交爲之陞山東德平縣丞才字兼優委署縣篆堅辭不受檄其廉讓如此子復邑庠生端重誠篤綽有父風舉鄉飲賓有司表其門

齊 壇字大方號弱翁貢生資性穎悟好讀書博涉經史

一時擬魏利列膠序者強半門下士塏素耿介操行嚴峻非公事不入公庭遇宗族鄉黨和平樂易或有詬誶輒排解之居常以修德砥行為箴勉子超倫工駢體散文作丁酉舉人次淑倫與兄齊名乙未進士

殷 勤字廣惟號滄西壬子舉人資性穎悟讀書過目不忘和可飲人未仕卒弟勉字敏公號洺東嗜學不倦造就多士領癸酉鄉薦考授內閣中書人以雲間機雲兄弟目之

李 旻字穆生歲貢瑤光子孝友溫恭學養深邃己卯舉

人授懷安教諭興學校勤課諸生卒於官扶襯歸士子
遮道泣送數十里不忍去著有典解行世弟晚康熙壬
戌進士品端學粹未仕卒

李駿聲字白友號金龍辛酉舉人性嗜學閉戶著書寧靜
自喜絕塵市心平居跬步不苟為邑人所矜式著有四
書點述詩經講義等書子宗白字幼蓮歲貢生性廉介
家居筆耕自安淡泊授平谷訓導課士有方嚴義利却
餽贖士子俱誠服焉乾隆八年知縣李世基詳請鄉飲
表其門

王瑄字介石號大槐邑庠生性嚴正不苟言動早喪父
奉母甚孝御下以恩婢女及笄即為擇配給奩贈不償
身價設社學延師教育鄉里成就多士并給膏火筆墨
資人或負其父債瑄悉為焚券至今稱之子寬字仲五
號文齋恩貢生博學工詩父病寬晷日夜望北斗拜禱
願以身代病遂愈生平不矜己長見人危急即善全之
食餼後議捐廩保畫押貲教育多士不責修脯屢舉鄉
飲賓卒年八十餘著有四書小解菊花百韻詩鈔瑄孫
翰廩膳生亦有學行寬子林林子龍人虎皆庠生

武功

宋

元

達初名守旻負膂力善射謁太宗於晉邸嘗侍射園
亭達連中太宗喜為更今名及即位補御龍直隊長累
遷媯州幽州刺史歷都部署由常山鎮入為京城都巡
檢卒贈昭化軍節度使達雖奮自草野歷職戎署至交
士大夫能折節盡禮人以是稱之

明

李尖頭洪武初隨駕征討有功授杭州千戶永樂二年從

李能征交趾有功授世襲誥封武德將軍

董士元天津衛守備以功加叅將守順義島遇孔冠犯登
力戰而死恩廕世襲百戶

鄉耆

明

王紹謨邑庠生端方正直卓有古風五子俱入泮屢賓鄉
飲年八十而終

馮美少習舉業因父病痿朝夕侍疾業遂廢撫兩幼弟
成立為娶室產悉付之子盛時盛世俱歲貢

本朝

其 梅邑庠生家貧力學終其身不涉外事康熙間舉鄉
飲大賓年九十餘鬚眉盡白器宇偉然鄉里咸重之知
縣孫璋給扁曰達尊有二

梁萬化幼業儒家貧無以供養遂力田孝事父母母歿寢
食不離父左右有山右行路者隨父乞食於沙陽村其
父病死沿途哀告萬化慨然助貲買棺殯之邑人公舉
鄉耆知縣孔豸表其門曰德協輿論

殷 銘字新又孝友性成為人樂易言行不苟 思賜八

品頂服年九十餘卒

賈廷樑字擎天號任菴至性孝友事親生養死葬克盡其禮遺產讓弟擇取鄰里不能婚葬者輒傾囊以助務恤孤寡治平道路橋梁及廟宇頽圯者捐貲修葺一鄉稱善公送扁曰善有餘慶子三躍三錫皆國學克繼父志

三俊孫步瀛俱庠生

劉驥歲貢生老成持重通經有聲譽紳士共仰其芳徽知縣景一元舉介賓表其門

田統三品行端方孝友素著稱鄉黨完人雍正十二年公

舉鄉耆

段拱祥贊禮生誠篤務耕讀和忍持家雍正間舉鄉耆知
縣景一元給扁旌曰達尊有一

郝成玉恭敬孝友勤儉持身乾隆八年舉鄉耆知縣李世
基表其門曰齒德俱優

寓賢

宋

司馬光陝州夏縣人尚書僕射與邑令聶之美契厚嘗至
其署論文嘯咏有和難澤官舍諸詩卒贈太師謚文正

明

劉師貞雲南曲靖人萬歷間由歲貢任邑教諭卒於官子

孫遂留難

本朝

石朝柱字介臣大興舉人順治間任山東魚臺知縣陞正

定同知隸邑籍

藝術

蕭廷龍精醫術邑某唇患黃丁癢異常漸不能飲食求龍
醫龍曰瘡生唇上甚險不可醫然不治且死吾為汝移

之下部當作七顆則易為力矣遂以藥飲之旬日間唇
漸痊而腋下果起七瘡如唇上形針之敷以藥不數日
愈又濟南德藩世子項下陡起一粒惟患癢御醫進以
苦寒藥頭面偏身皆暴腫譫謀不止時龍在濟南御醫
聞之往就教即引入見王王命診視龍於喉處刺一針
御醫駭甚須臾出膿血數斗世子開眼索食三日愈王
大喜賜金幣有加其奇驗率類此子良臣亦以醫道濟
人屢有神效郡縣皆給扁鵲之

十室之邑必有忠信雖蕞爾邑寧無賢哲挺生其

間如漢之毛遂毛萇激昂慷慨儒雅風流足冠千古
元明以來德業文章忠孝可風者前志已詳之矣近
年來窮經力學好善不倦者不少概見爰採輯之以
振士氣而勵民風

本朝

何朝相廩膳生有明任洪洞縣尹琪之裔也性嗜讀書日
不舉火猶手不釋卷博通經史好佑啟後學教授大韓
固村三十餘年從學者不計脩脯問奇者不必載酒悉
皆難辨疑質而去邑中人士多半出其造就家無擔石

吳江縣志卷之六
恬如也學醇品正洵足為多士風知縣景一元曾舉優
生以為一邑之矜式著作甚富略選律詩數章脩載藝
文

彭可權字允中郡庠生孝友慈祥秉彝天性養生送死克
盡子職猶子四人撫如己子延師訓學俱各成立雍正
八年大水里中貧不能自食者悉給柴米凡寒冬積薪
村巷任窮丐携取鄉中咸稱為善人村西板橋與董觀
尤捐建石橋知縣劉德瑤給功垂濟涉四字勒石

陳印隆庠生敬授祖也家業單寒賦性孝友兄弟三人養

親獨任已青喪葬亦一人任之并為撫育兄弟成家遺
產悉讓不取後積儉稍豐更加友愛鄉鄰族黨有求濟
者即傾囊以予從無難色且型仁講讓鄉中時相勸勉
知縣劉德瑤舉為公直凡里中雀角細故令其處息村
人無不允服

郝際成年八十有三束脩自愛孝友力田雍正十年舉鄉
耆知縣景一元表其門曰望重鄉里

董觀无字近廷篤性純孝髫年喪父哀毀骨立其母任氏
勸慰始少節哀及長治家勤樸克振箕裘尤好施予與

里人彭可權捐修石橋冬月雪日村中前後掃除以便
行人傳曰勿以小善而不為此非鄉黨自好者歟年七
十餘子穎國學生

李玉海字瀛璧國學生少喪父母甘氏早寡性嚴毅不敢
以非禮承歡起敬起孝四十餘年如一日及母卒寢苦
枕塊饒有古孝子風事從父如生父愛從兄如同氣凡
族中貧乏者悉周之近友尤加厚焉外戚舅氏貧不自
安加意推解乾隆庚辰歲飢赤貧者撫之流徙者遠之
借貸者不計利邑西南演武廳前獨出資費濬溝通牛

尾河水溉地數十餘畝至今鄉人德之